

# Forslag til forskrift om vern av Griphølen marine verneområde i Smøla og Kristiansund kommune i Møre og Romsdal

Fastsett ved kongeleg resolusjon med heimel i lov 19. juni 2009 nr. 100 om forvaltning av naturens mangfold (naturmangfaldlova) § 34, jf. § 39 og § 62. Fremma av Klima- og miljødepartementet.

## § 1. Formål

Formålet med forskrifta er å ta vare på eit område som

- a) representerer opne kystområde med straumrike og produktive djupområde, ein særeigen og mangfaldig skjergard, og kuperte undersjøiske landskap. Det er godt utvikla tareskog i delar av området, og den marine floraen og faunaen består av eit rikt mangfald av artar. Dei marine naturkvalitetane er også grunnlag for viktige funksjonsområde for m.a. sjøfugl, ender og vadarar.
- b) inneheld trua, sjeldne og sårbare naturtypar som m.a. tareskog, korallrev, korallskog, svampebotn, sjøfjærbotn og mergelbotn

Det er ei målsetting å behalde verneverdiane utan større grad av ytre påverknad, og området skal kunne tene som referanseområde for forskning og overvaking, delar av dette som referanseområde for å kunne studere effektar av taretråling.

Verneformålet knyter seg til sjøbotnen, vassøyla og sjøoverflata.

## § 2. Avgrensing

Det marine verneområdet dekker eit sjøareal på om lag **580,3 km<sup>2</sup> (juster avhengig av alternativ)**. Mot matrikulert land følgjer grensa marbakken eller to meter under sjøkartnull der marbakken ikkje finst. Mot landareal som ikkje er matrikulert følgjer grensa for det marine verneområdet middel høgvasstand (kystkonturen). Verneområdet femner om overflata, vassøyla og sjøbotnen.

Grensene for det marine verneområdet går fram av kart datert Klima- og miljødepartementet **xx.xx.202x**.

## § 3. Vernereglar

I det marine verneområdet må ingen setje i verk noko som skadar verneverdiane nemnt i verneformålet.

Følgjande vernereglar gjeld:

- a) Vegetasjonen, medrekna tang, tare og andre marine planter, er verna mot skade og øydelegging. Planting av vegetasjon er forbode.
- b) Dyrelivet i sjø er verna mot skade og øydelegging. Utsetjing av organismar er forbode.
- c) Området er verna mot tiltak som t.d. etablering av ulike typar anlegg, utfylling, byggeverksemd, plassering av konstruksjonar på sjøbotnen, andre varige eller midlertidige innretningar, legging av røyrleidningar og kablar, utføring av avløpsvatn og andre konsentrerte tilførslar av ureining, mudring, uttak og deponering av masse, undervasssprenging, boring, oppankring, utnytting av mineralske ressursar, utslepp av kjølevatn frå land og omrøring av vassmassar. Forsøpling er forbode. Opplistinga av tiltak er ikkje uttømande.

## § 4. Generelle unntak frå vernereglane)

Vernereglane i § 3 er ikkje til hinder for:

- a) gjennomføring av militær operativ verksemd og tiltak i samband med ambulanse-, politi-, brannvern-, oljevern-, rednings- og oppsynsverksemd (ikkje øvingsverksemd), samt gjennomføring av skjøtsel eller forvaltingsoppgåver som er bestemt av forvaltingsstyresmakta
- b) rydding av båtstøer og båtutsett som ikkje krev gravemaskin, sprengingsarbeid eller støyping.
- c) hausting av viltlevande marine ressursar i samsvar med havressurslova og anna gjeldande lovverk, med unntak for:
  - 1. hausting av stortare vist som **sona** [X] i vernekartet, likevel slik at sanking av tang og tare ned til lågaste flomål for rettshavarar eller til undervisning er tillate
  - 2. bruk av reiskap som blir slept under fisket og rører botnen, likevel slik at bruk av snurrevad er lov
- d) plukking av skjell
- e) søk etter og oppreinsking av tapte fiskereiskap
- f) fiske i samsvar med lakse- og innlandsfiskelova.
- g) tradisjonell låssetting av fisk
- h) jakt og fangst i samsvar med andre lover og forskrifter
- i) ferdsel og korttids oppankring med båt eller andre fartøy
- j) etablering av mindre fortøyingsfeste for småbåt og til låssetting av fisk, medrekna fastfortøyning og dragfortøyning, når fortøyingsmiddelet er i eit materiale som ikkje forureinar
- k) lagring av snurrevadtau eller liknande på sjøbotnen
- l) drift og vedlikehald av eksisterande sjømerke og andre navigasjonsinstallasjonar
- m) drift og vedlikehald av eksisterande anlegg og innretningar, medrekna avløpsleidningar
- n) drift og vedlikehald av eksisterande sjøkablar og naudsynt istandsetting ved akutt utfall
- o) oppgradering og fornying av eksisterande sjøkablar for å heve spenningsnivå og auke linetverrsnitt når dette ikkje føreset vesentlege fysiske endringar som ikkje er i samsvar med verneformålet

#### **§ 5. Spesifiserte dispensasjonsreglar**

Forvaltingsstyresmakta kan etter søknad gi dispensasjon til:

- a) oppføring av naudsynte navigasjonsinstallasjonar og andre farleiltak for å trygge ferdsel til sjøs
- b) akvakultur som ikkje er i strid med verneformålet
- c) levandelagring av villfanga fisk
- d) legging av kablar og rørleidningar, og så langt som mogleg samla i korridorar
- e) oppgradering og fornying av sjøkablar som ikkje fell under § 4
- f) tekniske tiltak som inneberer små inngrep på botnen og som ikkje påverkar dei marine verneverdiane inkludert vassutskifting og straumforhold nemneverdig, medrekna mellom anna flytebrygger og fortøyningar
- g) vedlikehaldsmudring
- h) istandsetting, skjøtsel og vedlikehald av kulturminne
- i) uttak av framande, introduserte artar
- j) vitskaplege granskingar
- k) uttak og granskingar i sjø i samband med marin bioprospektering
- l) miljøgranskingar

#### **§ 6. Generelle dispensasjonsreglar**

Forvaltingsstyresmakta kan gjere unntak frå forskrifta dersom det ikkje strir mot vernevedtaket sitt formål og ikkje kan påverke verneverdiane nemneverdig, eller dersom tryggleikssyn eller omsyn til vesentlege samfunnsinteresser gjer det naudsynt, jf. naturmangfaldlova § 48.

### **§ 7. Skjøtsel**

Forvaltingsstyresmakta, eller den forvaltingsstyresmakta bestemmer, kan iverksette tiltak for å oppretthalde eller oppnå den naturtilstanden som er formålet med vernet i medhald av naturmangfaldlova § 47.

### **§ 8. Forvaltingsplan**

Forvaltingsstyresmakta kan utarbeide ein forvaltingsplan med nærare retningsliner for forvaltning og skjøtsel av det marine verneområdet. Forvaltingsplanen kan innehalde nærare retningsliner for gjennomføring av skjøtsel.

### **§ 9. Forvaltingsstyresmakt**

Statsforvaltaren i Møre og Romsdal er forvaltningsstyresmakt etter denne forskrifta.

### **§ 10. Rådgjevande utval**

Det kan opprettast eit rådgjevande utval for forvaltninga av verneområdet.

### **§ 11. Iverksetjing**

Denne forskrifta tar til å gjelde straks.